



Kuchengeta nyuchi kwapamusoro *Chinyorwa Chepiri*

Kugoverana ruzivo kunorerutsa ndima.

Chinyorwa ichi chakanyorerwa vadzidzisi vevachengeti venyuchi avo vanoshanda nesimba kuitira kubetsera vamwe kuti vawane pundutso kubva mukuchengeta nyuchi.



Munyori Pam Gregory

Chinyorwa chino chakashandurwa kubva muchirungu kuenda kushona na Luke Jimu weBindura University of Science Education (BUSE)

Mari yakashanda pakuburitsa chinyorwa chino yakabva ku
[thewaterloofoundation*](http://thewaterloofoundation.org)

Gay Marris weku UK National Bee Unit (fera) akabetsera nekupenengura pamwe nekugadzirisa chinyorwa chino.

Mashandisirwo echinyorwa chino



Iyezvino chave chinhu chinobvumwa kuti kuchengeta nyuchi kunokwanisa kupa vanhu vanogara mumaruwa mari pamusoro peyavanowana kubva mukurima. Kuchengeta nyuchi kunobetserawozve kuti goho rikure zvoita kuti chikafu chiwande uye kuti zviwanikwa zvichengetedzeke. Miti yemusango iyo inopa uchi hwepamusoro inochengetedza kuburikidza nekuchengetwa kwe nyuchi muruwa.

Zvisinei, nyuchi hadzisi nyore kuchengeta nguva dzose. Mugore ra 2008 takanyora chinyorwa chine musoro unoti *Kutanga Kuchengeta Nyuchi* icho chakanyorwa nechinangwa chekugoverana navanhu ruzivo runodiwa pakutanga kuchengeta nyuchi. Chinyorwa chino chinotaura zvakawanda pamusoro pekutarisira nyuchi pamwe nekugadzirisa matambudziko anosanganika nawo.


Kugoverana ruzivo chinhu chinobatsira zvikuru. Nekudaro, chinangwa chechinyorwa chino ndechekukurudzira hurukuro kuitira kuti vanhu vazviwanire nzira dzekuderedza matambudziko avanosangana nawo muruwa mavo. Kunyangwe chinyorwa chino chakanangana nekuchengeta nyuchi tichishandisa mikoko yema KTB, chinogonawozve kubetsera mamwe machengeterwo enyuchi kusanganisa mikoko yechinyakare kana yamazuva ano.

Chinyorwa chino chakanyanyonangana nevaya vanodzidzisa varimi kuchengeta nyuchi muno mu Afrika. Chinowanikwawozve mururimi rwechingezi. Chinyorwa chekutanga che *Kutanga Kuchengeta Nyuchi* chinowanikwa mundimi dzinoti French, Swahili, Chichewa pamwe neChingezi. Kuwanikwa kwezvinyorwa izvi munogona kukuwana kubva ku UK National Bee Unit Bee Base www.nationalbeeunit.com kana kunyorera Pam Gregory pa pamgregory@phonecoop.coop.
Munokwanisa kuwana zvimwe zvinyorwa kana makanyorera Pam Gregory.

Pam Gregory akatanga kuchengeta nyuchi kubva mugore ra 1974. Akashandira UK National Bee Unit kubva muna 1976 kusvika muna 2003. Ane chitupa che UK National Diploma chekuchengetwa kwenyuchi pamwe nechitupa che MSc che Overseas Rural Development. Ave nemakore gumi namatatu achishanda nevachengeti venyuchi vemunyika dzichiri kusimukira.

Ivai nekuchengeta nyuchi kune mufaro
Pam Gregory August 2010

Zvamungaita kuunza zvinechekuita nekuchengetwa kwenyuchi zvitsva



Kuvandudza kupinda kwenyuchi mumikoko



Bumha renyuchi dziri kupinda mumukoko munzvimbo yeGarissa kuKenya. Nyuchi idzi dziri kupinda napadenga.

Dambudziko guru ririkusanganikwa naro mukuchengeta nyuchi kusapinda kwenyuchi mumikoko.

Mifananidzo yakashandisa yakabva kune vanotevera kuna John Home, Brian Durk, Felicien Menagon Amakpe, Claire Waring pamwe naAdrian Waring

Dambudziko guru rinosanganikwa naro navachengeti venyuchi muAfrika kusapinda kwenyuchi mumikoko. Honzero huru ndeyekuti nyuchi dzinofanirwa kupinda mumikoko dzinobva mudondo. Nyuchi dzingasarudza kupinda mumukoko kana dzichiona wakaka kupfuura dzimwe nzvimbo mudondo.

Kusapinda kwenyuchi mumikoko kunoita kuti bhindauko rekuchengeta nyuchi risaunza pundutso inotarisirwa kunyanya tichitarisa mari inenge yashandiswa mukugadzira mikoko.



**Pamikoko iyi
hapana kana
mumwechete
zvawo
une nyuchi. Izvi
zvinoreva kuti
mari zhinji
yakarasika
mukugadzira
mikoko.**

Mazano anotevera anokwanisa kutibetsera kuti mikoko yedu ipinde nyuchi. Mamwe anoshanda kupfuura mamwe uye mamwe anoshandiswa kunyangwe zvazvo asingakurudzirwe.

- 1. Kuve nechekwadi kuti musango mune nyuchi dzakawanda idzo dzinouya dzichipinda mumikoko**
- 2. Kuturika mikoko munguva dzakakodzera dzegore**
- 3. Kunamira hwezvo yenyuchi mumikoko**
- 4. Kuva nechokwadi chekuti mikoko yakashambidzika apo nyuchi dzinenge dzisati dzapinda**
- 5. Kugadzika twumikoko twekubata nyuchi munzvimbo dzinowanza kupfuura nenyuchi dzinenge dzatama.**
- 6. Kubata mapumha enyuchi**
- 7. Kupatsanura nyuchi kuita mapoka maviri kana kupfuura.**
- 8. Kurera Zimai renyuchi**
- 9. Kubata nyuchi kubva musango.**

1. IVAI NECHEKWADI KUTI MUSANGO MUNE NYUCHI DZAKAWANDA

Kana musango muine nyuchi dzakawanda, zvinoita kuti zvive nyore kuti nyuchi dzipinde mumikoko inenge yaturikwa.

RANGARIRAI KUTI MITI INOKOSHA KUNYUCHI

Miti inokosha kunyuchi kusanganisira mhango umo dzinokwanisa kugara, chikafu kubva mumaruva uye mumvuri munguva dzekupisa.



Dondo rekuBenin iri rine miti yakakura. Nekudaro, rakanakira kuchengeta nyuchi.



Gwenga rekumusoro kweKenya rine miti yeminzwa yakawanda inoita kuti nyuchi dzirarame.

Kushomeka kwemiti munzvimbo kunogona kukonzera kuti nyuchi dzisapinda mumikoko sezvo nyuchi dzinenge dzisina chikafu chakawana.



Dyarai miti inoita maruva kuti nyuchi dziwane chikafu.

2. KUTURIKA MIKOKO MUNGUVA DZAKAKODZERA



Mugore, panenguva idzo vanhu vanokwanisa kubata nyuchi dzinenge dzatama. Kana muchida kuziva nguva idzi, taurai nevachengeti venyuchi vemuruwa.

3. KUNAMIRA HWEZVO YENYUCHI MUMIKOKO

Mikoko yakachena uye yakanamirwa hwezvo inopinda nyuchi nyore. Wakisi ihwezvo yakanaka sezvo ichinhuhwirira kunyuchi. Zorai wakisi yakawanda mukati memukoko uye pamukova panopinda nenyuchi.



Matop bars akanamirwa wakisi anokwezva nyuchi kuti dzipinde mumikoko. Musashandisa uchi sehwezvo nekuti nyuchi dzinouya dzohutora dzisingazogari mumukoko.



**Nyuchi dzinokwanisa
kukwezvewa namashizha
emiti, uswa
hwendimu (*lemon grass*),
doro rinobikwa
mumaruwa, upfu
hwemufarinya kana
chibage uye makanda
emabhanana.**

**Namo yakazorerwa pamukana wemukoko inokwanisa
kushandisa kukwezva nyuchi.**

**Muchengeti wenyuchi
weku DR Congo
arikutora namo kubva
pamatop bars. Nyuchi
dzinoshandisa
dzinoshandisa namo
kuvhara makwanza
anenge ari mumukoko.**

**Musaumba namo
yamunenge
maunganidza.**





**Hwezvo iyi
yakagadzirwa
nekadhibhokisi uye
yakagadzikwa
pamusoro pamatop
bars.**

Mimwe miti inogadziriswa mikoko ine hwema hunoita kuti nyuchi dzitambire kure. Miti mizhinji inoshandiswa kugadzira mikoko yechinyakare inokwezva nyuchi. Nyuchi dzinopindawo nyore mumikoko yaimbove nenyuchi.

4. KUCHENGETA MIKOKO YAKASHAMBIDZIKA



Nyuchi dzine utsanana uye dzinodawo kugara munzvimbo dzakashambidzika. Nokudaro, hadzipinde munzvimbo dzinopinda mvura, munemakonzo, madandaude kana tumwe twupukanana. Kana mukoko wakasapinda nyuchi munguva yekupatsanuka kwemapoka enyuchi, ivai nechokwadi kuti mukoko wenu wakachena uye kuti maisa hwezvo patsva.

5. KUTURIKA KABHOKISI MUNZVIMBO DZINOFAMBA KEKUBATA NYUCHI DZAPATSANUKA NYUCHI DZINENGE

Imwe yenzira dzatinogona kubata nayo nyuchi kuturika twumabhokisi twekubata nyuchi munzvimbodzinofamba nenyuchi dzinenge dzapatsanuka. Vachengeti venyuchi vanoziva nzvimbo dzakadaro.



**Kabhokisi
kekubata nyuchi
karinyore kubvisa
pane imwe
nzvimbo kuenda
pane imwe. Kana
nyuchi dzapinda,
kabhokisi aka
kanoendeswa
kuapiari uko
mizinga pamwe
nenyuchi
zvinobviswa
zvoiswa
mumukoko
muhombe.**



**Kutamisa nyuchi
kuri nyore apa
nekuti matop bars
akareba kuenzana
nekufara
kwemukoko.**

Zvinokosha kuti mukoko mutswa uiswe panzvimbo yawo. Nyuchi dzinonyatsoziva nzvimbo yadzo yadzinogara. Kana muchida kutamisa nyuchi dzenyu ivai nechokwadi kuti nzvimbo itsva inosvika makiromita matatu kubva panzvimbo iri kubva nyuchi dzenyu.

6. KUBATA NYUCHI DZINENGE DZAPATSANUKA

Kubata bumha renyuchi kunobetsera kuti mikoko yedu ive nenyuchi. Izvi hazvisi nyore nenyuchi dzemuno sezvo dzichiramwa mikoko nyore.

Kana nyuchi dzave kugadzirira kupatsanuka, dzinowanda uye dzinotanga kugadzira mazana enyuchi hono akawanda.




Mazana enyuchi
hono arinyore
kuona sezvo
akati kure pane
enyuchi zhinji
dvezashandi uye
akatikwirire
mudenga.



Kubvisa mazana enyuchi hono
kunogona kuita kuti muzive kana
mumukoko muine *Varroa mites*.

Apo nyuchi dzinenge
dzave nemazana
enyuchi hono
akawanda, dzinotanga
kuvaka masero
emazimai ayo ari
nyore kuona sezvo
akareba kupfuura
mamwe ose.
Panongovharwa
masero aya, nyuchi
dzinenge
dzatogadzirira
kupatsanuka.



Kuchengeta nyuchi kwapamusoro Chinyorwa Chepiri (© Pam Gregory)



**Kana dzagadzirira,
nyuchi
dzinopatsanuka
dzoenda kune imwe
nzvimbo. Nyuchi
dzinoita izvi
chinyarire.**

**Muchinguva chidoko,
nyuchi dzinoungana
kuita bumha mumuti
dzichimirira kuenda
kumusha mutsva.
Panguva iyi zviri
nyore kubata nyuchi
idzi dzoiswa
mumukoko.**



**Bumha renyuchi rinobatwa munguva dzamanheru. Rinobatwa
nekurizunzirwa mubhokisi. Ibai nechokwadi chekuti zimai
rabatirwa pamwe nedzimwe nyuchi nekuti kana risimo nyuchi
hadzigarimo.**



**Nyuchi dzinounga
zvishoma nezvishoma
mumukoko unezimai.
Munogona kufuridzira utsi
zvishoma kuti nyuchi
dzipinde mumukoko.**



**Gadzirirai mukoko
wenyu mutsva mosiya
gwanza pakati
pematop bars kuti
mukurimbidze
kubheura bumha
renyuchi mumukoko.
Zunzirai nyuchi
mumukoko mutsva
zvinyoronyoro.
Ngwarirai kuti zimai
ririmo. Dzoserai
matop bars
nekukurumidza.**

**Nyuchi dzinogona kuramwa
kana dzakasavharirwa
mukati kwemazuva
mashoma. Nekudaro,
vharai musuo wenyuchi
neuswa uhwo
hwamunogona kutendeka
kuti zimai risabuda.**



**Nyuchi dzinodawo mizinga ine mazana chaizvo. Kana mukoko
uine mazana kazhinji nyuchi hadziramwe. Mazana akafa
anokwezva nyuchi. Nekudaro, anokwanisa kushandiswa
sehwezvo. Zvisinei, kubvisa mazana kubva mumukoko kuenda
kune umwe kunogona kuparadzira zvirwere.**

7. KUPATSANURA NYUCHI

Kumirira nyuchi kuti dzipinde mumukoko dzichibva musango kunonoka uye nyuchi dzinopinda muchidimbu chemikoko muapiyari. Izvi zvinoita kuti tisashandisa zvizere mari yatinenge tashandisa kugadzira mikoko.


Kupatsanura nyuchi kunotibetsera kuti mikoko ive nenyuchi zvoita kuti musamirira nyuchi dzinobva musango. Kupatsanura nyuchi kunonyatsoita munguva idzo nyuchi dzinenge dzave kugadzirira kupatsanuka pachadzo.

Patsanurai mikoko inenyuchi dzakawanda, inemazana akawanda uye inotaridza utano.



Mukoko unenyuchi dzakawanda zvekuti nyuchi dzinogona kupatsanuka kana ukasapatsanurwa. Mukoko wakadai unogona kutove nemasero emazimai.

Zvinokosha kuti mumukoko muve nemazai. Nyuchi dzinenge dziri mudivi rinenge rapatsanurwa dzinoda mazai kuti dzigadzire zimai. Uku ndiko kutaridzika kwemazai enyuchi.



Kana muchipatsanura nyuchi zvinokosha kuti patop bar rimwe pave nemuzinga mumwechete. Izvi zvinoita kuti zvive nyore kugovera matop bars mumikoko. Kana izvi zvisizvo, matop bars anofanira kugadziriswa musati matanga kupatsanura nyuchi dzenyu.



Rangarirai kuti kufara kwemikoko yenyu iri miviri kwakafanana.

Izvi zvinoita kuti zvive nyore kubvisa *matop bars* kubva mukoko kuenda kune mumwe.

Vanhu vaviri kana vatatu vanodiwa pakuita basa iri. Shandai pamwe chete uye zvinyoronyoro. Munoda mikoko miviri-une **NYUCHI DZAKAWANDA pamwe ne**USINA** chinhu.**

**Vachengeti
venyuchi ava
varikugadzirira
mukoko usina
chinhu uye apiyari
vachigadzirira
kupatsanura
nyuchi.
Mikoko inofanirwa
kupararana mamita
anoita maviri
kusvika mana.
Pakati pemikoko
ngapasave nemiti
kuti zvive nyore
kufamba.**



Kune nzira dzakawanda dzekupatsanura nyuchi. Nzira inotevera inovimbika. Kupatsanura kunofanira kuitwa mangwanani kuchiri kutonhorera. Tangai runyanhiriri.

GADZIRIRO UYE MAFAMBISIRWO EBASA

(i) Sarudzai mukoko wekupatsanura unenyuchi namazai akawanda. Itai izvi kuchine mazuva matatu kana maviri kubva pazuva ramunoda kuzopatsanura nyuchi dzenyu. **MAZAI ANOKOSHA KUMUKOKO MUTSWA KUTI NYUCHI DZIGADZIRE ZIMAI.** Ibvai marega kupatsanura nyuchi kana mukoko wamasuradza usina mazai. Mirirai kusvika mave namazai.

(ii) Pfungaidzai utsi mumukoko wenyu une nyuchi dzakawanda kwemaminitsi angaita maviri kana matatu.



(iii) Dzikisai mukoko unoda kupatsanurwa mouisa panzvimbo itsva.

Shandissai miti yakasungwa nemakavi sezvakataridzwা mumufananidzo. Miti iyi inoita kuti zvive nyore kutakura mukoko unoda kupatsanurwa kuuendesa panzvimbo itsva.



(iv) **GADZIKAI MUKOKO MUTSVA PANZVIMBO YANGA IINE MUKOKO UNODA KUPATSANURWA.** Ipapo nyuchi dzinobhururuka dzave kubuda kubva mumukoko uyu dzichipinda mumukoko mutsva.

- (v) Rambai muchifuridzira utsi. Nyuchi dzinenge dzisia nyanyonetsa sezvo nyuchi dzinokwanisa kubhururuka dzinodzoka kunzvimbo yaive nemukoko wadzo kare.



- (vi) Bvisai mimwe mizinga kubva mumukoko wamurikupatsanura moiendesa kumukoko mutsva. Tangai nekusarudza muzinga ine uchi nepfuma.



(vii) Tsvairai nyuchi kubva pamuzinga dzichidzokera mumukoko wakasimba zvinyoronyoro muchishandisa bhurasho renyuchi. Endesai muzinga uyu kumukoko mutsva.



(viii) Mapedza izvi tsvakai muzinga unemazana. Nyatsotarisaisai muzinga wemazana wega wega kusvika mawana unokodzera uyo unenge uine mazai nemazana akawanda. Zvakare, tsvairai nyuchi kubva pamuzinga.



- (ix) Dzokororai izvi kusvikira mave nemizinga inemazana ingasvika mitanhatu mumukoko wenyu mutsva. Endesai muzinga mumwe panguva imwe kumukoko mutsva.**




- (x) RANGARIRAI KUTI ZVINOKOSHA KUTI NYUCHI DZOSE DZITSVAIRIRWE MUMUKOKO WAKASIMBA KUITIRA KUTI MUVE NECHOKWADI CHOKUTI ZIMAI RASARAMO.** Chidimbu chapakati napakati chemizinga chinofanira kusara mumukoko urikupatsanurwa kuitira kuti zimai riwane pekukandira mazai uye kuti nyuchi dziwane pekuchengetera chikafu.
- (xi) Endesai mizinga yenyu mumwe nemumwe moirongerera mumukoko mutsva muchibva nechekumusuo. Mizinga ine mazana inofanira kurongerwa yakateverana.**



(xii) RANGARIRAI KUTI ZVINOKOSHA KUTI MIZINGA INEMAZANA YAMUNOISA MUMUKOKO MUTSVA INGE IINE MAZAI KUITIRA KUTI NYUCHI DZIGADZIRE ZIMAI.
Mukuita izvi dzinotanga nekugadzira masero ezimai.

Nedzimwe nguva masero ezimai anogona kunge atove mumukoko urikupatsanurwa. Izvi zvakanakisa chose nekuti nyuchi dziri mumukoko uyu dzinenge dzatotanga kugadzira zimai. Kana masero aya asati avharwa zvinoreva kuti nyuchi dzirikugadzirira kupatsanuka. Izvi zvinoita kuti kupatsanura kwenuy kubudirire.



Sero rezimai iri harina kuvharwa. Nyuchi dziri mushishi kupa chikafu kuzana rezimai.

Kana sero rakavharwa, zvinoreva kuti nyuchi dzakapatsanuka kare. Mazimai matsva anenge atotanga kugadzirwa mukati.

Uku ndiko kutaridzika kwesero rezimai rinenge ravharwa.



Kana masero ezimai atovemo, takurai muzinga unesero iri zvinyoronyoro moendesa kumukoko mutsva. Muzinga une masero ezimai unofanira kusara mumukoko wamuri kupatsanura kudzivirira njodzi yekurasika kwezimai pakupatsanura.

(xiii) Tsivai matop bars ane mazana amaendesa kumukoko mutsva nekuisa asina chinhu. Kana zvichikodzera, zorerai wakisi pamatop bars musati maaisa mumukoko wamapatsanura. Izvi zvinoita kuti nyuchi dzivakire muzinga mumwe patop bar rimwe.



(xiv) Zadzai makwanza ese nematop bars matsva mumikoko yesе iri mivire movhara nemuvharo wapamusoro.

(xv) Nyatsoturikai mukoko wakasimba munzvimbo yawo itsva.



(xvi) Cherechedzai muone kuti zimai ritsva rachochonya here uye kuti rave kukandira mazai. Izvi zvinogona kutora nguva ingasvika masvondo mana.



**Kuwanda
kwemazana
kunotaridza
kuvemo
kwezimai
uye
kubudirira
kwekupatsa
nura.**

YAMBIRO: Kupatsanura nyuchi kune njodzi dzakafanana nekukanganisa nyuchi. Nekudaro muchengeti wenyuchi anofanira kuve akazvipira kunjodzi iyi. Zvingangove zvakanaka kuedza kupatsanura nyuchi kana muine mikoko yakawanda uye kana musingarwadziwi nekurasikirwa nemikoko mishoma.

8. KURERA ZIMAI

Vanhu vazhinji vanofunga kuti kurera zimai kunopedza dambudziko rekusapinda kwenyuchi mumikoko. Sandizvo.

Nekuda kwekuramwa kunoita nyuchi dzedu uye vashandi vanokandira mazai, nzira dzekurera zimai dzakagadzirirwa nyika dzekumusoro kunotonhora, hadzishandi kuno kuAfrika.

Kurera zimai kwanakarira zvinotevera:

- **Kuuchika uye kuvandudza nyuchi kuti dzive nani**
- **Kutengesa nyuchi uye mazimai.**
- **Kugadzira royal jelly.**



Kana kupatsanura nyuchi kusingakwanirani nezvido zvenyu zvekuchengeta nyuchi, makasununguka kundinyorera tsamba.

9. KUTAMISA NYUCHI KUBVA MUSANGO KANA MIKOKO YECHINYAKARE

Vanhu vazhinji vanoedza kutamisa nyuchi kubva musango kana mikoko yechinyakare asi vasingabudirire munguva zhinji. Izvi zvinokonzerwa nekurasika kwezimai kana kuramwa kwenyuchi mushure mekutamiswa. Kunze kwekunge mukoko wadonha kana kuti uri munjodzi:

MUSAUTAMISE

Chengetedzai mikoko yenyu kuti nyuchi dzigopatsanuka kubva kwairi munguva inotevera.



Nyuchi dziri mumukoko wakadonha uyu dzinogona kutamiswa.

Chekai muzinga wega wega zvinyoronyoro. Sungirai muzinga wega wega patop bar. Zunzirai kana kutsvairira nyuchi dzose mumukoko mutsва zvinyoronyoro. Cherechedzai kuti zimai rapindawo mumukoko mutsва. Zimai rinogona kusara riri pakati pedzimwe nyuchi.



Nyuchi dzinosunungura tambo dzamunenge mashandisa kusungira mizinga.



**Muzinga
wakatamiswa
uyu hauna
kunge
wasungirwa
zvakasimba
nekudaro
nyuchi dziri
kutambura
kuvhara
gwanza.
Cherechedzai
kusatwasuka
kwakaita
muzinga uyu.**

Miti inodiwa nenyuchi

**Pasina miti hapana nyuchi
Pasina uchi hapana mari**



**Uchi hwemhando yepamusoro hunogadzirwa kubva mumaruva
emiti yakasiyana siyana yemuno.**

**Miti yakaita semisasa, mipfuti uye mitondo inoita maruva
agogadziriswa uchi hwapamusoro uye hwakatsetseka.**

Mifananidzo yakabva kuna Paul Latham pamwe na Pam Gregory, John Home, Roy Dyche, Gay Marris, Selwyn Wilkins na Tom Carroll

Kuchengeta nyuchi kwapamusoro *Chinyorwa Chepiri* (© Pam Gregory)

Nyuchi dzemuno muAfrika hadziwanzopiwi tsvigiri. Izvi zvinoita kuti kuwanda kwemaruva ane nekita kuve kunokosha zvikuru munguva ndefu yegore.

Munzvimbo zhiji, varimi nevachengeti venyuchi vanodyara zvirimwa zvakawanda kuitira chikafu. Miti iyi inoshanda zvakawanda wanda uye mimwe yacho inoita maruva anoita kuti goho reuchi rikwire. Edzai kusarudza zvirimwa zvinoita maruva munguva idzo maruva anenge ari mashoma. Izvi zvinodzikisa dambudziko rekuramwa kwenyuchi. Miti inoshanda zvakawanda inowanzo sarudzwa nevachengeti venyuchi ndeinotevera:-

Mango – *Mangifera indica*



Inoshanda sehuni, michero, kupachikafu kuzvipfuyo uye kuchengetedza ivhu.

Pigeon pea – *Cajanus cajan*



Inoshanda sehuni, sechikafu kuvanhu uye zvipfuyo pamwe nekuvandudza ivhu.

Miti yeminzwa



Miti yeminzwa yese inogadzira nekita yakanakisa.



Mutsangu-*Faidherbia albida*. Inovandudza ivhu, huni, mapango uye chikafu chezvipfuyo.

Magamu

**Miti yese yemigamu
inogadzira nekita.**

Miranjisi pamwe nemiremoni

**Miti yese iri mumhuri
yemiranjisi inogadzira nekita
nemichero zvirinani kana
ichishanyirwa nenyuchi.**


***CHERECHEDZAI:* Magamu haafaniri kudyarwa pedyo nezvimwe
zvirimwa sezvo zvichiita kuti goho ridzikire.**

**Miti inodyarwa yakatenderedza misha inobetsera kudzivirira
vanhu kubva kuapiyari zvobetsera kuti vanhu
vachengetenyuchi pedyo nemisha yavo.**

**Bottle brush –
*Callistemon citrinus.***



**Rukina (*Leucaena leucocephala*)
(alt *L. glauca*).**



**Unoshandiswa sehuni, chikafu chezvipfuyo
uye kuvandudza ivhu.**

Unoshandiswa sehuni.

Miti inotevera inodiwa zvakanyanya nenyuchi. Cherechedzai muone kuti inowanika here muruwa menu.

***Moringa oleifera*
(*M. pterygosperma*)**




**Macadamia nut –
*Macadamia tetraphylla***



**Unoshandiswa kurapa,
sechikafu chezvipfuyo,
kuchengetedza ivhu, seheji
yepamusha, kusvina mafuta
uye kuuraya utachiwana
mumvura yekunwa.**

**Munowana huni, mafuta
ezvemicheno, mapango,
huni uye nzungu dzacho
dzinotengeswa.**

Jirimono-Jatropha curcas



**Unoshandiswa kugadzira mafuta edzimota, semushonga
wekurapa, kugadzira sipo.**

Mamwe maruva madiki madiki anokosha kunyuchi.



Nhungumira, *Bidens pilosa*, kanoshandiswa kudzikisa marwadzo euorera.



Maruva ekamuti aka, *Fuchsia anokosha* apo maruva anenge ari mashoma.


Zvirimwa zvinoita maruva zvinopa vanhu chikafu uye zvinotengeswa. Goho rezvirimwa zvakaita sedonje, mapopo, mango, magwawha, makotopeya, manhangam pamwe nemaringa zuva rinokwira kana zvichi shanyirwa nenyuchi.

Mapopo – *Carica papaya*



Makotopeya – *Persea Americana*

Mufarinya-*Manihot esculenta*



Zviringa zuva- *Helianthus annuus*





Zviringa zuva – *Helianthus annuus*

Zvinorimirwa mhodzi dzinosvinwa mafuta. Mhodzi dzinotengeswawo zvakare.

Kenyan kale - *Brassica oleracea*



Zvirimwa zvose zviri muboka remirivo yerepu zvinokwezva nyuchi uye goho rezvirimwa izvi rinokura.

Kofi - *Coffea canephora*



Goho rekofi rinowedzera kana yakashanyirwa nenyuchi uye kuchengeta nyuchi kunorerutsa raramo yevachengeti venyuchi.

Mabhanana – Musa spp.



**Mibhanana
ine nekita
pamwe
nepfuma
kunyangwe
isingadi
nyuchi kuti
ibereke.**

**Mimwe miti yakaita
seGliricidium sepium, inokosha
kunyuchi sezvo ichiita maruva
munguva idzo maruva anenge
ari mashoma. Cherechedzai
muruwa menyu muone kana
muine miti yakaita seuyu.**



**Zvinokoshaozve kuti nyuchi
dziwane mvura kunyanya
munguva yekupisa apo
mvura inenge irishoma.
Mvura iyi inogona kuiswa
muchigaba chisina kunyanya
kudzika kuitira kudzivirira
kuva kwenyuchi. Mvura
inofanira kuwedzerwa nguva
nenguva.**

Zvinokwanisa Kukanganisika

Uye kuzvigadzirisa



**Kuchengeta nyuchi hakusi nyore nguva dzose. Nekudaro,
kugoverana ruzivo kunobetsera.**

Mifananidzo yakabva kuna Roy Dyche, Robert Kajobe, Mike Allsopp, James Morton (CSL), Claire Waring, David Wilkinson (Fera), Felicien Menagon pamwe neFera Photographic services

Kuchengeta nyuchi kwapamusoro *Chinyorwa Chepiri* (© Pam Gregory)

KUGADZIRISA MIZINGA INENGE YAKAVAKIRWA PAMA' TOP BARS' AKAWANDA

Kana muchichengetera nyuchi dzenyu mumikoko inoshandisa matop bars, zvakakosha kuti MUZINGA MUMWE UVE PATOP BAR RIMWE. Kana nyuchi dzakavakira mizinga pamatop bars akawanda, zvinonetsa kuongorora mukoko kana kumora.



Kufara kwetop bar kunokosha sezvo kuchiita kuti nyuchi dzivake muzinga patop bar rimwe. Top bar rinofanira kufara kuita 3.2 cm.

Munogona kuongorora kufara uku nekushandisa muvharo wemabhodyera ezzinwiwa.



Uku ndiko kufara chaiko here?



Uku ndiko kufara chaiko here?



Kana muzinga wakakura uchibatanidza matop bars zvinoreva kuti kukoshi hwemhando yemikoko iyi hunobva kwashaya basa.



Dzimwe nguva zviri nyore kucheka matop bars akakakurisa. Miti yakapfaya yakaita seRafia inogadzira matop bars anogara kwenguva yakareba.

Dzimwe nguva nyuchi dzinovakira muzinga pamatop bars akawanda. Izvi zvinokwanisa kugadziriswa nekucheka muzinga uye kuusungira patop bar rimwe.

**Izvi zvinoda vanhu vaviri
-mumwe
akabata apo
mumwe
anenge
achicheka
nekusunga.**



1. Chekai muzinga muchiubvisa kubva pamatop bars pausingafanirwi kuve uri.



2. Petai muzinga mousungira patop bar neshinda.



3. Nyuchi dzinobva dzanamira muzinga patop bar pamwe nekubvisa shinda.

ZVIRWERE, TWUPEMBENENE UYE MAMWE MATAMBUDZIKO

Nyuchi dzinoda kutarisirwa sezvinongoitwa zvimwe zvipfuyo kuti dziite goho rinofadza. Zvinotevera zvichakubatsirai pakutarisira nyuchi dzenyu:

- **Shanyirai apiyari yenu nenguva nenguva muchiongorora utano hwenyuchi dzenyu.**



- **Chekai uswa kuitira kudzivirira twupembenene twakaita semasvosve nemadzvinyu.**
- **Sakurai uswa hwakatenderedza apiyari kuitira kudzivirira moto.**

- **Dzivirirai mikoko yenu kubva kumbavha uye mhuka.**
- **Masvosve anokwanisa kuparadza mukoko kana akasadzivirirwa.**




Masvosve awa atoparadza mukoko uyu.

Kuzorera girizi kunodzivirira masvosve kuti asapinda mumukoko. Waya kana miti inoshandiswa kuturika mikoko inofanirwa kuzorwa girizi nenguva nenguva. Apiari yenu inofanira kugara isina miti.

- Makumbo epanoturwikwa mukoko anofanira kuzorwa girizi kana kuaisa mumagaba anemafuta emotokari akashandiswa kuitira kuti masvosve asakwira.**

**Kuisa makumbo
emikoko mumagaba
ane mafuta
emotokakari
akashandiswa
kunodzivirira
masvosve kuti
asakwira**



- Muchenje unoparadza mikoko isina vanhu vanotarisira. Mikoko iyi inokwanisa kudonha yopedzisira yakuvadza vanhu.**



Kuparadza kwemuchenje.



**Mukoko
unenge
wadonha
injodzi kune
vamwe.**

- **Kune twumwe twupukanana twunokanganisa nyuchi twakaita semadzvinyu ayo anodya nyuchi.**

**Madzvinyu
anokwanisa
kudzivirirwa
nekusaisa
kapuranga
kanomhara
nyuchi
dzichipinda
mumukoko uye
kuchengetedza
apiyari
yakachena.**



- **Tumwe twupuka twakaita seshiri twunodya nyuchi.**



**Shiri hadziwanzodyi
nyuchi zvekuparadza
mukoko. Kana shiri dziri
dambudziko, mukoko
unokwanisa kubviswa
woiswa pane imwe
nzvimbo.
Pano tinotaridzwa
kuparadza kunokonzerwa
neshiri inonzi hohodza
(woodpecker).**

- **Mikoko isati yapinda nyuchi inofanira kugara yakachena nekuti kana inetsvina, nyoka, madandaude, mazongororo, mapete pamwe namarize zvinopedzisira zvave kugaramo.**



Zongororo rapinda

**Nyuchi hadzipindi
mumikoko yakaita seuyu.**



- **Panewozve twumwe twupembene twunokanganisa nyuchi twakawandawanda.**



Twunofanira kuparadzwa apo munosangana natwo. Kana twanyanya kuwanda, bvisai mukoko mouisa kune imwe nzvimbo.

- Kana mizinga ikaregererwa inoparadzwa nekapuka kanonzi *wax moth* muchingezi.




***Wax moth* inoparadza nyuchi dzinenge dzirishoma mumukoko. Kuchenetedza nyuchi dzenyu kunoita kutidziwande. Bvisai mizinga kubva mumikoko inenge yaramwiwa nenyuchi kuitira kudzivira *wax moth*.**

Nedzimwe nguva *Wax moth* inotorwa seshamwari yemuchengeti wenyuchi nekuti inoparadza mizinga pamwe nehurwere huri mairi.

- Twupuka twunonzi *Small hive beetles* muchingezi twunoita kuti nyuchi dzisagadzikane. Twunotenderera mumukoko uye vana vatwo vanodya mazana, pfuma uye uchi.

Small hive beetle.



Muapiyari ngamuve makachena-musasiya zvunhu zvinokwezva masvosve kana twupembenenene. Nyuchi dzakawanda dzinokwanisa kukurira twupembenenene twakaita semabeetles. Dzimwewo nyuchi dzinodzivirira kupinda kwemabeetles uye idzi ndidzo nyuchi dzakanaka kuchengeta. Kana dambudziko iri ranyanyisa, munokwanisa kushandisa inonzi soil drench iyo inoiswa pasi yakatenderedza mikoko.



- Twuma beetles twukuru twunoshunguradzawo zvekare dzimwe nguva.



Twunogona kudzivirirwa kuti twusapinda mumukoko nekusiya musuo wenyuchi mudiki. Musuo wemukoko haufanirwi kukura kupfuura chinyoreso. Zvinokuridzirwa kuisa misuo yakawanda panekuisa musuo mumwechete wakakura.

- Dzimwe mhuka huru dzinogona kukanganisawo nyuchi. Munzvimbo idzo mupurwa unonetsa, mikoko inofanira kuturikwa paisingasvikirwi.



Cherechedzai kumonwa kwakaitwa waya. Izvi zvinodzivirira kuti mupurwa usakwira.



Shandisi waya pakuturika mukoko kana mipurwa ichinetsa muruwa menyu. Turikai mikoko yenu pakakwirira kusvika mita imwechete kana kupfuura kubva pasi.

Kana makashandisa mastands ngaave akasimba.

Mikoko inodawo kudzivirirwa kubva kuvanhу nezvimwe zvipuka. Dambudziko guru rinokonzerwa nembavha.



Kana tsoko dzichinetsa, miti ineminzwа inogona kuturikwa pamusoro pemikoko.

- Nyuchi dzemuAfrika dzinobatwawo nezvirwere. *American foul brood* (AFB) ndicho chirwere chakaipa chinobata nyuchi dzemuAfrika. AFB inokonzerwa neutachiona hwebacteria hunouraya mazana. Izvi zvinoita kuti nyuchi dzishomeke mumukoko kusvika dzapera. Hapana mushonga unoshandiswa kurapa chirwere ichi.



AFB inoonekwa
nekudzikira
kwewakisi
inovhariswa mazana
iyo inenge yakasviba
uye kuboorwa
pamwe nemazana
akapararira. Muzinga
uyu unechirwere.
Nekudaro, nyuchi
idzi dzinofanira
kuparadzwa
nekupiswa.

Kuve nechekwadi cheurwere hweAFB:

Kana mukafungira
kuti nyuchi dzenyu
dzabatwa neAFB,
bayai sero nekamuti
modhonza. Kana
pakabuda zvinorera
izvi zvinotaridza
chirwere cheAFB.



Kuchengeta nyuchi kwechinyakare pamwe nema *Top bar* kunodzivirira chirwere cheAFB nekuti mizinga mizhinji inomorwa. Izvi zvinobvisa urwere kubva mumikoko. Kuchengeta nyuchi kwamazuvano kunokurudzira kufambisa kwemizinga mumikoko yakawanda zvokonzera kupararira kwechirwere cheAFB.


- Twupembene twunonzi *Varroa mites* muchingezi twunowanikwa pano nepapo muAfrika. Kunyika dzinotonhora, twunowanikwa pamwe nezvirwere zvinokonzerwa *nebacteria* kana *virus*. Nyuchi dzemuAfrika hadzikanganiswi netwupukanana utwu.



- Nyuchi dzemuno mufrika dzinowanzoita vashandi vanokanda mazai. Izvi zvinowanzoitika kana muchengeti wenyuchi akatadza kubudirira pakupatsanura nyuchi dzake. Zimai rakarasika nyuchi dzinogona kutadza kugadzira rimwe zimai. Nekuda kwekushaikwa kwemunhuwi wezimai, nyuchi dzerudzi rwavashandi dzinotanga kukanda mazai ayo anogadzira nyuchi hono. Nekudaro mukoko uyu unopedzisira usisina nyuchi.



**Nyuchi
dzavashandi
nemazimai
anokandira mazai
anopa nyuchi
hono idzo dziri
nyore kuona
nekuti
dzinokandira
mazai enyuchi
hono mumasero
enyuchi
dzevashandi.
Mhedzisiro yacho
masero
akatikwirire ayo
arinyore kuziva.**



Mazimai anopedzisira avekukanda mazai enyuchi hono kana akapererwa nembeu yaanenge akakohwa kubva kunyuchi hono. Izvi zvinoitika kana zimai risina kusangana zvakanaka nenyuchi hono kana kuchembera.

KUPATSANUKA, KUTAMA UYE KURAMWA

Kupatsanuka, kutama uye kuramwa zvinhu zvakasiyana. Maitiro aya anobetsera kuti nyuchi dzirarame mumamiriro ekunze emuno muAfrika.

Kupatsanuka inzira inoita kuti nyuchi dziwande. Chidimbu chenyuchi chinosara chimwe chichinotangawo musha wacho.

- **Izvi zvinowanzoitika kana munhuwi wezimai usisanzwikwi nenyuchi zvoita kuti nyuchi dzisabatane semhuri imwe. Izvi zvinonyanyokonzerwa nekuchembera kwezimai.**
- **Kupatsanuka kunogona kuitika kamwe kana kakawanda pagore kana kusatoitika zvachose. Kunowanzoenderana namakuriro, kuwanda kwechikafu pamwe nemamiriro emukoko.**
- **Mukoko unopatsanuka hauiti uchi hwakawanda kuenzana neuya usinga wanzo patsanuki.**



Kutama kunoitika kuchitevera mwaka apo nyuchi dzinenge dzichitevera nzvimbo dzinechikafu. Uku kunoitika gore rega rega uye zviri nyore kuziva nguva idzo nyuchi dzinotama.

Kuramwa kunokonzerwa nekushaikwa kwechikafu kana kukanganiswa nezvinhu zvakasiyana siyana.

- **Kuramwa kunogona kurongwa kana kusarongwa nenyuchi.**
- **Kutama kwakarongwa kunowanzokonzerwa neku-shaikwa kwechikafu. Izvi zvinoita kuti zimai rimire kukanda mazai. Nyuchi dzose dzinotama apomazana ose anenge akura kuita nyuchi dzinobhururuka. Nyuchi**
- **Kutama kusina kurongwa kunokonzerwa nezvinhu zvakaita semoto, twupembenenene twakaita samasvosve kana kubvinza kwemukoko. Nyuchi DZOSE dzinosiya mukoko dzichinotsvaka musha mutsva apodzinotama kana kuramwa.**



Masonerwo esvutu yenyuchi



Salome weku Kenya anesvutu yenyuchi yakasonwa kubva mumasaga. Yakasonwa nenzira inoita kuti zipi isadiwa.

KUSONA SVUTU YENYUCHI PAMWE NEVHEIRI

Svutu dzenyuchi dzinogadzirwa nezvinhu zvakasiyana siyana. Zvinokosha kugadzira svutu nezvinhu zvakasimba, zvakachipa uye zvinodzivirira kupfondwa. Saga rechibage rinoita chose.



Chekai saga renyu kuti rivhurike.



Shandisai mudhabha wakabvaruka kuita *pattern* yemudhabha wesvutu.



Apa ndipo panosangana zvidimbu zvakumakumbo.

gusset



Musatambisa saga renyu.



Chekai zvidimbu zvemakumbo zvina.

**Sonanidzai zviviri
zvekutanga mogadzira
mberi kwemudhabha.**



**Itai zvimwechetezvo apo
munosona zvidimbu zvesure
kwemudhabha.**



**Batanidzai majoin emukati
memakumbo.**



**Batanidzai micheto yekunze
kwemudhabha.**



Panobatanidzwa micheto miviri ndiyo inonzi "seam".

**Sonai mipendero
mayakarudunuka.**



**Edzai mudhabha wenyu
muone kana uchikwana.**



**Sonai mupendero muchiuno nekumucheto kwemakumbo.
Mupendero unoita kuti zvive nyore kuisa rasitiki kana tambo
inosungiswa muchiuno kuti mudhabha usadonha kana kusunga
kumakumbo kuitira kudzivirira nyuchi kuti dzisakwira
nekumakumbo.**




Isai tambo mumakumbo pamwe nemuchiuno.

Aya ndiwo maisirwo erasitiki kana tambo:

1. Petai mucheto kamwe.



2. Petai zvekare mobva masona.



3. Iri ndiro gwanza rinoiswa tambo kana rasitiki.



4. Sundai tambo muchishandisa chinhu chakagomara.



5. Rambai muchiita izvi kusvika tambo yabuda.



6. Kana tambo iyi yakadhonza inotaridzika seizvi uye inodzivirira nyuchi.



KUSONA

Misono inofanira kuve yakasimba kuitira kuti shinda dzesaga dzisarudunuka.

Izvi munogona kuzviita sezvakataridza mumufananidzo unotevera:


Kusona
kumucheto
kunoita kuti
muve
nemusono
wakasimba.



Munokwanisawozve kuita “run and fell seam” iyo inoita mucheto wakasimba. Kusona run and fell seam:

1.


Siyai jira rakati
rebe rekusona
join (seam).



Sonai muchitevera mutsetse uyu kuti
mubatanidze micheto. Iyi ndiyo inonzi
seam.

2.

Peterai jira paseam mobve
masona.



Munokwanisa kunama mupendero netape zvoita kuti join isimbe.


**Shandisai bhatye dhara
pakutara micheto yebhatye
resvutu yenu.**



**Wedzerai saga rakaita
square kumusoro kuitira
kusona heti pamwe
nevheiri.**



Chekai zvidimbu zviviri, chemberi necheshure



**Sonanidzai mativi pamwe
nekupendera zasi kuitira
kuzoisa tambo kana rasitiki.
Edzai muone kana
muchikwana.**



**Musati masonera net,
tarisai muone kana
murikusonera panzvimbbo
chaipo panoenderana
neuso. Munokwanisa
kubetserwa nevamwe
pakuita izvi.**



**Cherechedzai nzvimbo
yamuchasonera vheiri.**



**Iri ibhatye resvutu
yenuchi risati rave
nemaoko.**



**Tarai munofanira kuchekwa
maoko ebhatye namo.**



Chekai zvidimbu zviviri izvi.



**Sonanidzai zvidimbu zvemaoko izvi. Penderai kumucheto
kwemaoko kuti mukwanise kuisa tambo. Sonerai maoko
pabhatye.**



Svutu yapera kusonwa. Cherechedzai mapurasisitiki akapfekwa pamusoro peshangu pamwe nekusungwa muzvitsitsinho kudzivirira kupfondwa mumakumbo. Magorovhosi eRubber ndiwo anokurudzirwa pakushanda nenyuchi.



Svutu yakasonwa nechidimbu chejira/saga chimwechete. Svutu iyi inotoda zip kuti mukwanise kuipfeka.



Kuvandudza hukoshi hwezvinobva mukucheneta nyuchi



Kubika doro neuchi kuZambia. Uchi hwakabva kare huchishandisa kubika zvinwiwa zvakaita sedoro.



**Zvimwe zvinhu zvinokwanisa kugadzirwa zvinoti makenduru,
mafuta ezmicheno pamwe nezvibikwa zvinosanganisira uchi.
Kuwedzera hukoshi hwezvinobva mukucheneta nyuchi
kunopindirana neunyanzvi hwagara huine madzimai.**

Mifananidzo yakabva kuna Janet Lowore (Bees for Development), Fera, John Home pamwe naRoy Dyche

Kucheneta nyuchi kwapamusoro *Chinyorwa Chepiri* (© Pam Gregory)

ZVINHU ZVAKAVANDUDZWA

Kuwedzera hukoshi kunosanganisira vandudzo yezvinomorwa kubva mumikoko kuti zviite mari yakawanda kana kuti zvive nyore kutengesa. Izvi zvinonyatsoshanda kana muchigadzira zvinhu zvinosanganisa wakisi.

Kazhinji zvimidziyo pamwe nezvinosanganiswa newakisi zvinoshomeka kuti basa ribudirire. Munokwanisa kurerutsa dambudziko iri nekutsvaka zvinotsiva zvinowanika muruwa.

Munokwanisa kuedza mabikiro akasiyana siyana muchishandisa zvinhu zvakawandawanda. Mamwe mabikiro munoawana mumapeji ekupedzisira echitsauko chino.



Kuumba makenduru

Kune mhando dzakawanda dzemakenduru dzamunokwanisa kugadzira. Mhando idzi dzinosiyana siyana zvichienderana nezvido zvatengi kana foroma dzinoshandisa idzo dzinosanganisa goko rezai, mushenjere, *pipe* remvura kana guni remupopo.



Boka remadzimai rekuMalawi rinogadzira makenduru richishandisa mapipes epurasitiki anenge akavharwa pasi nemivharo yezvinwiwa.



Mudzimai akaremara wekuTanzania ane kenduru yakagadzirwa neforoma yakatengwa kunze kwenyika.

Magadzirirwo emakenduru mamwechete zvisinei neforoma. Wakisi inofanirwa kuve yakachena. Macheneserwo ewakisi akatsanangurwa muchinyorwa chekutanga.

Pakubika makenduru:

- 1. Nyungudutsirai wakisi mumagaba muchishan-disa moto.**



- 2. Chekai tambo yakafanira. Vamwe vanozorera wakisi kuti tambo itwasuke.**



- 3. Zorerai sipo kuti kenduru isanamira muforoma. Foroma iyi ndeyemushenjere.**



- 4. Cherechedzai kuti pasi peforama pakavharwa kuti wakisi isarasikira pasi.**



- 5. Shandisai kamuti kakatsemurwa kuisa tambo pakati peforama.**



- 6. Dururirai wakisi muforoma.**





Kenduru yakapera kugadzirwa.

Makenduru awa akagadzirwa neforoma inoshandiswa kuita bhizimusi remakenduru kubva kuZimbabwe.



Makenduru anokwanisa kugadzirwa nekunyika tambo mugaba rinewakisi yakanyungudiswa pamwe nekuibudisa kuti wakisi iomere patambo. Dzokororai izvi kusvika kenduru yakura. Hunyanzvi hunogona kuburitsa kenduru yakanaka seyakataridza mumufananidzo uyu.



Kugadzira kenduru nyore

**Kenduru inogona
kushandisirwa mugaba kana
chiumbwa chakaita segaba.
Izvi zvinoita kuti igare
kwenguva ndefu sezvo wakisi
inenge yanyunguduka
isingarasiki.**



**1. Nyungudutsirai wakisi
mugaba muchishandisa moto.**



**3. Itai kuti tambo ive
panzvimbo nekushandisa
kamuti kakatsemurwa.**



**2. Gadzirirai gaba pamwe
netambo.**



**4. Dururai wakisi mosiya kuti
iome.**



Musabvisa kenduru kubva mugaba.

Kubika mafuta ekuzora

1. Pimai mafuta ekubika pamwe newakisi moisa mugaba.



3. Dziisai kusvika wakisi yanyunguduka uye yasangana nemafuta. Kodzongai.



2. Isai gaba iri munerimwe gaba moisa pamoto.



4. Wedzerai twunonhuwira. Kodzongai modururira mugaba. Siyai kusvika zvakora.



Zvokuzorera pamuroma zvinokwanisa kugadzirwa nenzira imwecheteyo. Dururirai mugaba rakakodzera.

Mafuta ekurapa ganda anogadzirwa nekunyungudusira namo muVaseline muchishandisa nzira yakatsanangurwa mundima yapfuura.



Kubika mafuta akapfavirira

Pakubika mafuta akapfavirira wedzerai mvura mumabikirwo atsanangurwa mundima yapfuura. Wedzerai zviwedzerwa zvinoita kuti mafuta nemvura zvisasangane.

1. Pimai mafuta pamwe newakisi modira mugaba.
Dziisai kusvika zvasangana.
Pimai mvura pamwe neemulsifier (kana iripo) moisa mugaba repiri.



2. Gadzirirai gaba rekusanganisira.



3. Sanganisai mvura newakisi yakasangana nemafuta mokodzonga zvakasimba kusvika zvakora. Izvi zvinoita nyore kana muri vaviri.




4. Dururirai mugaba rakakodzera.



Emulsifier iri nyore kuwana inonzi *borax* (*sodium borate*). Kana muchida kugadzira lotion wedzerai alcohol kusvika mafuta atetepa kusvika pamunoda. Mafuta awa angada zvimwe zviwedzerwa kuti achengetedzeke kwenguva ndefu.

Kubika polish

1. Uganidzai zvinodiwa.



2. Nyungudutsirai wakisi yenuy mugaba.



3. Isai turpentine kana spirit yakakodzera mugaba.



4. Dururirai wakisi muturpentine muchikodzonga kusvika zvasangana.



5. Wakisi inogona kuiswa dye. Dye yemusoro ndiyo yakashandiswa mupolish iyi.



6. Polish isina kuiswa dye inoshandiswa pazvinhu zvakasiyana siyana uye inodzivirira mvura kuti isapinda.



Ndima ine zvinogadzirwa neuchi, namo newakisi



Zvibikwa zvewakisi

Mabikirwo akanyorwa muno anoshandisa zvinhu zvinogona kuwanikwa muruwa. Munokwanisa kuzama zvinhu zvinowanikwa muruwa izvo zvinogona kuvandudza zvibikwa. Shandisai mafuta amunoshandisa kubika. Mafuta anodyiwa haana ngozi kana akazorwa. Zvinhu zvinoshandiswa zvinosiyana nenzvimbo. Tsvakai zvinowanika munzvimbo menyu nemari shoma kuitira kuti muite mari kana mavekutengesa. Musashandisa mafuta *epalm* asina kucheneswa nekuti anoita kuti mafuta ekuzora atsvukuruke kunyange zvazvo asingazotsvukisi ganda kana mbatya.

Mafuta ecream

Mabikirwo emafuta ecream:

- Chikamu chimwe chewakisi; zvikamu zvina zvamafuta.
- Sanganisai mobva madziisa kwekanguva.
- Kodzongai zvakasimba.
- Burai mobva mawedzera zvinonuhwira uye zvinoshandura rudzi rwamafuta.
- Kodzongai zvakasimba modururira mumagaba ekutengesera.
- Kana muchida mafuta akapfava, wedzerai mafuta ekubikisa uye kana muchida akaomarara shandisai mafuta mashoma.
- Kuwedzera zvidonhwa *zveglycerine* kunoita kuti mafuta apfave. Kuwedzerawo zvidimbu zvina *zveVaseline* kunoita kuti mafuta apfavirire zvakanaka.

Gavakava, *lemon grass*, namo, uchi, midzi yeuswa *hwevetiver* pamwe nezvime zvakasiyana siyana zvinogona kuwedzerwa kuitira kunhuwirira kana kurapa ganda: semuenzaniso, mafuta anemagamu anogona kuzorwa pachipfuwa. Mafuta akawanda anogona kusvinwa kubva mumiti nezvime ayo anokwanisa kufashairirwa mugaba rakavharwa kwemaawa maviri (*max 100°C*). Mafuta awa anogona kushandiswa mukubika mafuta ekuzora akasiyanasiyana.

Mafuta ekuzora akapfavirira

Mafuta ekuzora akapfavirira musanganiswa wemafuta, wakisi pamwe nemvura. Nekuda kwekuti mafuta haawanzosangani nemvura munokwanisa kushandisa *emulsifier*. Kana muchikwanisa kuwana *emulsifier* iyi zvingava zvakanaka kuishandisa. Zvinokurudzirwa kuti zvisanganisa zvenyu zvinge zvichidziya zvakafanana musati mazvisanganisa. Zvinhu zvakaita *seneem oil, tea tree oil* kana *alcohol* zvinoita kuti mafuta enyu achengetedzeke kwenguva ndefu.

Mabikiro:

- Chidimbu ($\frac{1}{2}$ measure) chewakisi yakanyungudisa, zvikamu zviviri zvemafuta ekubikisa, zvikamu zviviri zvemvura yakaiswa twunonuhwira pamwe nesipunu imwe *yeborax (sodium borate)*. Tevedzai zvakataridza muchikamu chemifananidzo.
- Kudziya kwezvirimumagaba ose arimaviri kunofanirwa kuve kwakafanana.
- Bvisai gaba rewakasi yakanyungudisa pamwe nemafuta kubva pamoto.
- Dururirai mvura inetwunonuhwira mumusanganisa wewakisi nemafuta nekukurumidza. Kodzongai pamunenge muchiita izvi kusvika zvakora.
- Dirai mafuta mumagaba ekutengesera zvisati zvatonhora.



Kupfava kwemafuta aya kunogona kuwedzerwa kuita *lotion* nekuwedzera *ethyl alcohol* muchikodzonga kuti zvinyatsosangana. Huwandumwe *ethyl alcohol* hunoenderana nematetepero amunoda kuti mafuta enyu aite uye kuti munoda kuachengeta kwenguva yakareba zvakadini. *Alcohol* yakawandisa inoita kuti ganda riomarare. Dirai *distilled water* kuti kusimba kwe~~al~~*coho*l yenu kusapfuura zvikamu makumi mashanu kubva muzana (50%).

Vhanishi pamwe nepolish yemumba

Pakubika polish, wakisi inonyunguduswa muturpentine kana white spirit.

Mabikiro:

- Chikamu chimwe chewakisi, Zvikamu zviviri nechidimbu zveturpentine (zvinoenderana ne50g / solvent).
- Tevedzai zvakataridzwa muchikamu chemifananidzo.
- Pamunosanganisa wakisi nespirit rambai muchikodzonga kuti



Namo

Namo inotorwa nenyuchi kubva mumiti uye yakasiyana chaizvo newakisi. Morai namo yenu zveneutsanana kuti isasviba. Musiumba kuita denderedzwa. Chengetai namo yenu mugaba rakaoma uye rinotonhorera. Ihandisei yakaoma kudaro.

Mabikirwo ePropolis tincture:

- Kamurai namo inodiwa moinyika mumvura kwemazuva matatu kusvika manomwe kuti ichene uye kupfava.
- Nyikai namo yenu muethyl alcohol (70%) muchiisanganisa zuva rega rega.
- Musashandisa alcohol inetsvina nekuti ine njodzi.
- 50 gms dzealcohol (100% proof) dzakasanganiswa ne100mls dzemvura zvinopa 50% solution.
- Izvi zvinogona kutora svondo kusvika masvondo matatu.
- Tsetsai muchishandisa zvinhu zvakaita secoffee filter.
- Zvatsetswa izvi ndizvo zvinoshandiswa kurapa.
- Zvinofanira kuchengeterwa mumabhodhoro akasvibira uye munzvimbo inotonhorera. *Tincture* iyi inogara kwenguva ndefu nekuda kwealcohol.



Zvibikwa zveuchi pamwe nezviwitsi

Chevy honey bars

Makapu 1 $\frac{1}{3}$ euchi

$\frac{3}{4}$ yekapu yeshuga

Matable spoon matatu emargarine

Makapu mana eflour

Tea spoon imwe yebaking powder

$\frac{1}{2}$ yekapu yenzungu (*macadamia* kana *peanuts*)

$\frac{1}{2}$ yekapu yemuchero wakaomeswa

$\frac{1}{4}$ yetea spoon yeginger powder

yetea spoon yecardamom

Matea spoon maviri ecinnamon

1/8 yetea spoon yecloves

Dziisai uchi, shuga pamwe nemargarine kusvika zvanyungudika. Sanganisai flour nezvimwe zvakaoma mobva mazvidira mumusanganiswa weuchi, shuga nemargarine muchikodzonga. Dirai mumagaba moisa muoven inopisa kusvika 176°C kwemaminitsi angasvika makumi maviri namashanu. Chekai kuita zvidimbu kana zvatongora. Mabar anenge akaoma panguva iyi asi anozopfava kana makaachengetera mugaba rakavharwa kwesvondo. Mabar anogona kugara kwenguva ingasvika mwedzi mitanhatsu mumagaba awa.



Fruit honey bread

Makapu matatu ewheat flour
Makapu matatu ebaking powder
Tea spoon imwe yecinnamon yakagaiwa
½ yetea spoon yesauti
Kapu imwe nechidimbu yemukaka
Kapu imwe yeuchi
Zai rime
Masipunu maviri emafuta ekubikisa
Makapu 1 ¼ yemuchero wakaomeswa (mango, bhanana kana mimwe michero yemusango)
½ yekapu yenzungu
½ yekapu yemhodzi dzezviringezuva
½ yekapu yeraisins
Sanganisai zvakaoma zvose mumudziyo mumwechete.
Sanganisai mukaka, uchi, zai pamwe nemafuta mune mumwe mudziyo. Sanganisai zvikamu zviviri izvi. Dururirai mubaking pan yakakura 23 x 13 x 8cm uye yakazorwa margarine moisa muoven inopisa kusvika 176°C kwemaminitsi makumi matanhatu. Chekai zvidimbu gumi nezviviri.



Marzipan

Zvikamu gumi zvesweet almonds kana dzimwe mhando dzenzungu.
Chikamu chebitter almonds
Zvikamu zvinomwe zveuchi
Chikamu nechidimbu (1.5 parts) chechinwiwa chemandimu kana maranjisi
Bvisai makanda emaalmonds mobva makuya kuti atsetseke. Isai chinwiwa chemandimu neuchi mosiya kwemaawa makumi maviri nemana.



Musaisa muoven. Marzipan rinomonwa muchishandisa icing sugar mobva macheka kuita zvidimbu zvamunogona kutengesa. Munokwanisawozve kuputira marzipan yenyu nechocolate, icing sugar nezvimwewo zvikafu zvakafanira.

Greek Halvah

Zvikamu zvishanu zveuchi

Zvikamu zvitatu zvemafuta eolive kana sesame

Zvikamu zviviri zvezvidimbu zvenzungu (wedzerai mhodzi dzesesame)

Zvikamu gumi zveshuga

Zvikamu zvishanu zveflour

Zvikamu zvitatu zvemvura

Cloves pamwe necinnamon zvakakuyiwa zvinoita kuti zvinuhwire

Dziisai mafuta kusvika ave kupisa. Isai flour mokodzonga kusvika flour yaита brown (maminitsi 30 kusvika 40).

Zvichakadaro, gadzirai syrup yeshuga, uchi pamwe nemvura mozvifashaidza kwemaminitsi 30 pamoto mushoma kusvika zvavekutanga kutsemukira. , Isai twunzungu mobva masanganisa neflour yebrown.



Kodzongai zviripamoto mushoma kusvika zvakora. Dzimai moto movhara pani kwemaminitsi mashano. Dururirai mutray. Kana zvatonhora chekai kuita zvidimbu momwaya icing sugar kana cinnamon.

Nzunu dzakakangwa neuchi

Zvikamu gumi zveshuga

Zvikamu zviviri nechidimbu zveuchi

Nzunu makumi maviri nemashanu

Zvikamu zviviri nechidimbu zvemvura

Chikamu chimwe nechidimbu chevinegar

Nyungudutsai shuga mumvura nevinegar moisa pamoto moramba muchikodzonga.

Pazvinofashaire, isai uchi mokodzonga pamwe nekuzvidzosera pamoto kuti zvifashaire. Kwidibirai kwemaminitsi matatu. Kuduburai morega kukodzonga kuti zviomarare kusvika zvave kutsemukira. Isai nzunu mozvibika kwekanguva kadiki pamoto mushoma. Dururirai mupani yakazorerwa mafuta. Chekai macandy enyu zvisati zvaomarara.



Honey sauces and relishes

Honey and chilli dressing

**1/3 yekapu yeuchi
 Tea spoon yeoregano
 yakaomeswa
 1/2 yetea spoon yesauti
 1/8 yetea spoon yemhiripiri.
 Sanganisai zvinhu izvi**



Honey and lemon dressing

**Kapu yeuchi yakasvika pakati.
 1/4 yekapu yelemon juice.
 1/4 yekapu yevinegar.
 Magarlic maviri akachechkwachekwa
 Chipunu cheoregano.
 Sauti pamwe nemhiripiri
 zvakafanira.
 Sanganisai zvose.**



Honey and orange sauce

**2/3 yekapu yeorange juice
 1/2 yetea spoon yeginger
 yakakuyiwa
 1/2 yetea spoon yenutmeg
 yakakuyiwa
 Table spoon yemargarine
 Table spoon yecorn starch
 1/3 yekapu yeuchi.
 Sanganisai zvose mobika kusvika corn starch yakoresa sauce.**



Molly's honey sauce

**Sanganisai uchi,
tomato sauce pamwe
nevinegar
zvakaenzana pamwe
negarlic, sauti
nepepper
zvakafanira.**



Honey and fresh fruit chutney

**Kapu yemuchero wakachekwa kuita zvidimbu (semuenzaniso
mango kana zvinanazi)
1/4 yekapu yehanyanisi dzakachekwa
1/2 yekapu yemacarrots kana
macabbages akachekwa
Matable spoon mashanu euchi
Matable spoon matatu emustard
powder
Matable spoon maviri elemone juice
Matea spoon maviri zveginger root
Sauti nepepper zvakafanira
Sanganisai mobika pamoto
mushoma kusvika zvanyatsosangana.**



Notes

**Tea spoon = 5 ml
Table spoon = 30 mls
1/4 yekapu = 60 ml
1/2 yekapu = 125 ml
Kapu imwe= 250 ml
Makapu maviri= 1 pint = 500 ml
Makapu mana= 1 quart = 1 litre
Ounce imwechete= 30g
Maounce masere= 225g**

Zvirwere zvinorapwa neuchi

Uchi hwakabva kare huchishandisa kurapa. Nedzimwe nguva hunosanganiswa nemiti kana *maherbs* zvoita kuti mishonga inovava itapire. Huchi hunorapa zvikuru. Hunobvisa tsvina pazvironda, kudzivisa kuzvimba uye kuuraya utachiona pazvironda pamwe nekudzivirira kunamira kwema *bandage* paronda. Uchi hunoita kuti ronda riome.

Maronda madiki ekutsva pamwe nemamwewo: Gezai ronda morizora uchi hwakawanda pamwe nekusunga *bandage* rakachena. Itai izvi zuva nezuva.

Chikosoro pamwe napahuro pakazvimba: Uchi hunonyaradza marwadzo. Uchi hwakasanganisa nemandimu hunobetsera kunyaradza marwadzo epahuro uye hunorapa dzihwa. Sanganisai chipunu chihombe cheuchi pamwe *nejuice* ramunenge masvina kubva mundimu rakakacheckwa napakati. Zadzisai kapu nemvura inopisa. Inwai kapu yose kamwe. Itai izvi mave kuda kurara.

Maziso akazvimba, conjunctivitis pamwe nezvimwe zvirwere zvemaziso: Donhedzerai madonhwe maviri euchi muziso rinorwara. Itai izvi kaviri pazuva kusvika rapora. Endai kwachiremba kana dambudziko rakaenderera.

Gastro-enteritis pamwe nerehydration: Shandisai uchi hwakasangana nemvura 5% (vol/vol) kudzikisa chirwere chemanyoka kuvana chinokonzerwa neutachiwana *hwebacteria*.

Kushaya hope: Inwai mukaka wakaiswa chipunu cheuchi musati marara.

Chikafu chinopa simba: Uchi hunobetsera vanoita maexercises uye vanenge vaneta nekuti hunopinda muropa nekukurumidza. Uchi hunopawo simba kune vanhu vechikuru, vana uye vaya vasinganzwi kuda chikafu. Bota rakabikwa neuchi, upfu hwenzungu nehwechibage rionaka zvikuru.

Honey and oatmeal face pack: Sanganisai uchi pamwe *ne oatmeal* (inorapa zvirwere zveganda) (kana upfu) kusvika zvave kuzoreka. Zorai kumeso mosiya kweawa musati mageza nemvura.

Uchi haufaniri kushandisa nevanorwara nechirwere cheshuga kunze kwekunge vachitarisirwa nachiremba. Uchi pamwe nenamo **HAZVIFANIRI** kutsiva zvamunenge mapuwa nachiremba.

Kwamunokwanisa kuwana rumwe ruzivo

Munokwanisa kuwana ruzivo rwakawanda kubva paInternet asi harusi rwese rwunobatsira. Rumwe ruzivo runopikisa uye rwunogona kudhanganyisa musoro. Ruzivo rwunowanikwa mune zvimwe zvinyorwa haruna kubva muresearch kana hunyanzvi hwekuchengeta nyuchi munzvimbodzemumatropics umo munopisa kudarica nyika dzekumadokero.

Ruzivo rwekuchengeta nyuchi rwunowanikwa kwakawanda asi dzinotevera dzinopa ruzivo rwapamusoro uye rwunovimbika:

- Krell R; (2001), *Value-added Products from Beekeeping, FAO Agricultural Services Bulletin, FAO Rome (available freely from FAO corporate document repository <http://www.fao.org/docrep/w0076e/w0076e00.htm>)*
- Bees for Development www.beesfordevelopment.org.uk
- UK National Bee Unit Advisory Leaflets; FERA <https://secure.fera.defra.gov.uk/beebase/public/Advisory/advisory.cfm>
- Practical Action - <http://practicalaction.org/practicalanswers>
- Control of Varroa. A guide for New Zealand Beekeepers. MAF New Zealand.
- <http://homepage.ntlworld.com/gandboss/BeeginnersFAQ/Problems/control-of-varroa-guide.pdf>
- Bees Abroad – info@beesabroad.org
- Vachengeti venyuchi vemuruwa kana masangano anoita nezvekuchengetwa kwenyuchi.
- Zvinyorwa zvinowanikwa pamawebsites eCGIAR neFAO.

*Ivai nekuchengeta nyuchi
kunemufaro uye kunopa pundutso*

Pam Gregory 2010

